

Na osnovu člana IV.B.7 a)(IV) Ustava Federacije Bosne i Hercegovine, donosim

UKAZ

O PROGLAŠENJU ODLUKE O IZMJENAMA ODLUKE O UTVRĐIVANJU PODRUČJA SLIVA RIJEKE UNE PODRUČJEM OD ZNAČAJA ZA FEDERACIJU BOSNE I HERCEGOVINE

Proglašava se Odluka o izmjenama Odluke o utvrđivanju područja sliva rijeke Une područjem od značaja za Federaciju Bosne i Hercegovine koju je donio Parlament Federacije BiH na sjednici Predstavničkog doma od 25. septembra 2007. godine i na sjednici Doma naroda od 18. oktobra 2007. godine.

Broj 01-02-607/07
5. novembra 2007. godine
Sarajevo

Predsjednica
Borjana Krišto, s. r.

Na osnovu člana 17. stav 1. i člana 115. stav 2. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06 i 72/07), na predlog Vlade Federacije Bosne i Hercegovine, Parlament Federacije Bosne i Hercegovine na sjednici Predstavničkog doma, održanoj 25. septembra 2007. godine, i na sjednici Doma naroda, održanoj 18. oktobra 2007. godine, donio je

ODLUKU

O IZMJENAMA ODLUKE O UTVRĐIVANJU PODRUČJA SLIVA RIJEKE UNE PODRUČJEM OD ZNAČAJA ZA FEDERACIJU BOSNE I HERCEGOVINE

I

U Odluci o utvrđivanju područja sliva rijeke Une područjem od značaja za Federaciju Bosne i Hercegovine ("Službene novine Federacije BiH", br. 32/04), tačka II mijenja se i glasi:

"Granica područja posebnih obilježja od značaja za Federaciju Bosne i Hercegovine "Sliv rijeke Une" počinje na istoku na ulazu Unca u kanjon - kota 453, prolazi korito Unca, penje se do ruba kanjona i ide sjeveroistočnim rubom kanjona do kote 658, nastavlja se rubom ispod kote 757, prolazi iznad sela Luke do kote 697 kod LJutića, dalje rubom kanjona do Pogledala iznad Martinbroda te iznad ušća Unca u Unu, nastavlja grebenom kanjona na sjever preko kote 564, kote 540, kote 539, kote 533, vrha Tuk na koti 518, kote 359 iznad mjesta Gečet, prolazi sjeverno oko Gečetske glave prema čojluku, dalje putem R408b zapadno do velike krivine iznad Une, te dalje sjeverno uz put oko kote 358 do ceste Gorjavec - Kulen Vakuf i dalje uz istočnu stranu ceste, te zapadno od otvorenog kopa Gipsa do mjesta Rađeni, gdje granica prelazi cestu i dalje obilazi zapadnim rubom doline naselja Rajnovci, Orašac i Jukovi, te prelazi cestu i dalje ide uz njen istočni rub do mjesta Dubovsko nastavlja uz sjeverni rub lokalne ceste do kote 615 gdje se spaja s magistralnom cestom Bihać - Bosanski Petrovac i ide dalje njenim sjevernim rubom do kote 500 kod naselja Žežnice, zatim dalje do prve velike krivine na magistralnoj cesti iznad kote 472 gdje prelazi cestu i spušta se prema mjestu Podastrane te dalje sjevernom stranom lokalnog puta preko kote 334 i kote 346 prema rijeci Uni koju prelazi oko 250 nizvodno od "Dvoslapa" gdje prelazi preko magistralne ceste Ripač - Donji Lapac i nastavlja istočnim rubom ceste do Državnog graničnog prelaza "Užljebić" te dalje po granici s Republikom Hrvatskom prema jugu po rijeci Uni preko Štrbačkog buka do južnog kraja kanjona Une kod kote 448, gdje se odvaja zajedno sa državnom granicom od rijeke Une prema koti 406 te dalje po trasi državne granice oko područja Kalata te se vraća na prugu Bihać - Knin sjeverno od Selišta i dalje prati trasu državne granice s Republikom Hrvatskom do željeznikog mosta na Uni uzvodno od Martin Broda i dalje rijekom Unom do ušća Krke i dalje trasom državnom granicom po koritu rijeke Krke do njenog izvora gdje se odvaja od trase državne granice i penje sjeverno do ruba kanjona vodotoka Potok, pa preko kote 566 nastavlja do puta na zapadnoj strani naselja Kožlovac, te dalje južnom stranom lokalnog puta do kote 760 kod naselja Grbić, preko kote 1061 te željezničke stanice Hrnjadi, dalje uz južnu stranu stare pruge do krivine iznad mjesta Hrnjadi gdje se odvaja prema koti 815, dalje ide donjim rubom padine oko kote 655 do kanjona Unca te dalje rubom kanjona istočno od naselja Trešnjik do lokaliteta Berek i kote 453."

II

U tački VI u drugom redu riječi: "i okoline", brišu se.

III

Ova Odluka stupa na snagu narednog dana od dana objavljivanja u "Službenim novinama Federacije BiH".

PF broj 01-02-755/07
18. oktobra 2007. godine
Sarajevo

Predsjedavajući
Doma naroda
Parlamenta Federacije BiH
Stjepan Krešić, s. r.

Predsjedavajući
Predstavničkog doma
Parlamenta Federacije BiH
Safet Softić, s. r.